

Odluka o oduzimanju dozvole za rad i pokretanju stečajnog postupka "Privredne banke a.d. Srpsko Sarajevo"

Koristeći se ovlaštenjima koja su mi data članom V Aneksa 10 (Sporazum o civilnoj implementaciji Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja pomenutog Sporazuma o civilnoj implementaciji Mirovnog ugovora; i posebno uzevši u obzir članak II. 1. (d) gore navedenog Sporazuma, prema kojem Visoki predstavnik "pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa civilnom implementacijom";

Pozivajući sena stav XI. 2. Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnoj implementaciji Mirovnog ugovora kako bi pomogao u iznalaženju rješenja za probleme, kako je prethodno rečeno, "donošenjem obavezujućih odluka, kada to bude smatrao neophodnim", u vezi sa određenim pitanjima, uključujući (u skladu sa tačkom (c) ovog stava) i "mjere u svrhu osiguranja implementacije Mirovnog sporazuma na čitavoj teritoriji Bosne i Hercegovine i njenih entiteta";

Poštivajućivažnost koju je međunarodna zajednica dala pravilnom upravljanju bankovnim sistemom u Bosni i Hercegovina koji čini sastavni dio procesa implementacije mira;

Imajući na umuprimjer pomenutog pridavanja važnosti, Vijeće za implementaciju mira na konferenciji održanoj u Londonu, 4. i 5. decembra 1996. godine je pozdravilo riješenost vlasti u Bosni i Hercegovini da donese zakone iz različitih oblasti, uključujući i bankarstvo; nadalje se osvrćući na član 44. a) Deklaracije sa sastanka na nivou ministara Upravnog odbora navedenog Vijeća, održanog u Luksemburgu, 9. juna 1998. godine, na kojem je Odbor napomenuo da bi oba entiteta trebala usvojiti zakone iz oblasti bankarstva; i nadalje osvrćući se na poziv upućen vlastima u Bosni i Hercegovini od strane navedenog Vijeća, na sastanku održanom u Briselu, 23. i 24. maja 2000. godine, da pomenute vlasti usklade, širom zemlje, svoj pristup u velikom broju oblasti, uključujući i bankarstvo;

Imajući u vidu veliku zabrinutost koju je ponovno izrazila međunarodna zajednica, između ostalog, putem Deklaracije gore navedenog Vijeća na navedenom sastanku u Briselu, 23. i 24. maja 2000. godine, u vezi sa ukorijenjenom korupcijom u Bosni i Hercegovini koja, pored ometanja razvoja tržišne ekonomije ugrožava i demokratsku vlast i pustoši javne resurse;

Podsjećajući na privremenog upravnika "Privredne banke a.d. Srpsko Sarajevo", imeovanog odlukom Agencije za bankarstvo Republike Srpske od 20. juna 2003. godine, koji je podnio ostavku u maju 2004. godine nakon napada i fizičke prijetnje usmjerene protiv tog lica;

Podsjećajući se nadalje na Odluku Upravnog odbora Agencije za bankarstvo Republike Srpske da prihvati direktno učešće predstavnika OHR-a i moju Odluku da imenujem privremenog upravnika "Privredne banke a.d. Srpsko Sarajevo" od 8. juna 2004. godine čime se osigurava da nesolventne banke budu procesuirane putem efikasne uprave, lišene svakog nezakonitog vanjskog uplitanja;

Uvažavajući da pisani Izvještaji o finansijskom stanju i budućnosti gore navedene banke pod privremenom upravom, podneseni 28. maja i 5. novembra 2004. godine, predlažu oduzimanje dozvole za rad "Privrednoj banci a.d. Srpsko Sarajevo" i pokretanje stečajnog postupka "Privredne banke a.d. Srpsko Sarajevo";

Uzimajući u obzir i prihvatajući sveukupnost gore navedenih pitanja, ovim donosim i zahtijevam da se objavi slijedeća:

ODLUKA

o oduzimanju dozvole za rad "Privrednoj banci a.d. Srpsko Sarajevo" i pokretanju stečajnog postupka "Privredne banke a.d. Srpsko Sarajevo" (u daljem tekstu: "Banka")

1. Dana 8. novembra 2004. dozvola za rad Banke, izdata rješenjem br. 03-32-744-7/2002 s datumom 13. septembar 2002. god, prestaje da važi.

2. Agencija za bankarstvo Republike Srpske dužna je da odmah obavijesti Centralnu banku Bosne i Hercegovine i Agenciju za osiguranje depozita Bosne i Hercegovine o oduzimanju dozvole za rad.
3. Oduzimanje dozvole za rad Banci bez odlaganja se upisuje u registar banaka, kao i u sudski registar Osnovnog suda u Bijeljini.
4. Od dana stupanja na snagu oduzimanja dozvole za rad, Banci se zabranjuje obavljanje bilo koje bankovne djelatnosti utvrđene u članu 87. Zakona o bankama Republike Srpske.
5. Privremeni upravnik Banke podnosi zahtjev nadležnom sudu za pokretanje stečajnog postupka i imenovanje stečajnog upravnika Banke.
6. Mandat privremenog upravnika Banke prestaje donošenjem odluke nadležnog suda o imenovanju stečajnog upravnika.
7. Ova odluka se objavljuje u novinama "Glas Srpski" i "Dnevni Avaz" i na oglasnoj tabli Banke.
8. Radi otklanjanja svake sumnje, ovim se izričito izjavljuje i ukazuje da je ovdje sadržane odredbe, svaku od njih, utvrdio Visoki predstavnik u skladu sa svojim međunarodnim mandatom i da se, stoga, ne mogu osporavati pred sudovima Bosne i Hercegovine.

Ova odluka stupa na snagu odmah i odmah se objavljuje u "Službenom glasniku Republike Srpske".

Sarajevo, 7. novembar 2004.

*Paddy Ashdown
Visoki predstavnik*